

Philemon iñiñ güdraw Polus üsam

Ĝiw

He kako í ĝiw braw ye Polusme. He kako ha a Polus i Filemon í i Unesimus i ichi ge kitchojomeñe che sünda Kulu 4:9 ge Unesimus i Tukikus üddra Kulusse ge jimkoi sese Tulukus i Filemon i Polus ichi kako i djü. He ye šüvzüw ñume Polus i he kako i nudzo ügzü yo ĝidaw ichi gō vyow na shetsüjoñe.

Ĝiw übraw ichi dzaga

Oje 60 kuw.

Filemon í he kako ĝingkoi ñeto ge Polus i Rom go pache ge shü veda.

Lajovo

Paulus i he kako ye Filemon í ĝida, Arkippus í girja ñe ge sünda ñi ñum Apphia í. Kako ĝidaw í holyeñe vemeje he kako ye Filemon í ĝibadabi.

Ha ma a vew

He kako í ĝiw ge Polus i Unesimus í i übraw ye ichi ge lakutchoweñe ve ĝidame (Unesimus ye Filemon ichi kulo tsaksulalye kaksudaw ye) sünda í sojai djudjüwe. (10-12, 17). Sünda sesüyo, Polus i Filemon í kulo veduw mowdaye “nudzo uñuw” veduw veweñe veda. (15-16). Unesimus i yaje Filemon ichi bo-luko ubo go lubi seyo Polus i ubo ĝabo davoĝoñ ve hado chemeje Filemon í lajovowene veñe. Polus i shi-ñu truw ubo sa Unesimus i Tawgyew í ĝaksüla. (File. 10).

Ñustu gow
Kahuahuw.
Udrüla

1. Abiwadan __ 1:1-3

2. Abarokti __ 1:4-7

Unesimus ubo ñu chegüdrağiwi ki __ 1:8-22

Damdzualai shi-ñu __ 1:23-25

Dašüvzüw

¹ Polus ichi go bó, se Jisu Masi ichi pache ge shüdaw nuna, seyo ñuw Timotiyus ichi ve go ñichi nülvo chiğadam Filemon,

² Seyo ñum Afiya seyo ñidra yo shipashi Arkipusñe Filemon ichi ñe go ñeşü na ñiñi.

³ Ñichi Tawgyew awuñe Tawgyew Jisu Masi naksü naksüchi vye go güdzüw ye bá pangudruwe.

Šüvzütroi ñe Küğüw

⁴ No shüwa Tawgyew í šüvzütrojome; seyo nudzo küğülai ge je bá vyehuwme.

⁵ Hado cheme no bachi sé nülvo seyo vyemso chi shi-ñu na dzühulye, se Tawgyew Jisu dru ge seyo vyew güdraw nuna nadra.

⁶ No küğüjome se vyemsodaw ge bachi üdra ayo na hadamje uw ñu ge danghusajo daw ha ye Jisu Masi ichi yo ñidra dusama.

⁷ Hado cheme noñuwwa, nó bachi nülvo yo šüpyo lüshüw seyo güdzüw padame, sündada, ba yo dañe güdraw nuna nadrü-nalu hu je adjüdjüw no je ağımiw pajome, uñuw nawa.

Unesimus ibó küğüw

⁸ Sündada sedamje noje Jisu ge šüpyo bolu duda, se ha ñu ye udama, se í bá dügyejo.

⁹ Sedamje no vyeduw mukro Polus i se yabó Jisu Masi ibó pache ge gýow nūna babi, se ayoje šūpyo nūlvo yo ibó kŭgŭjolu.

¹⁰ No nosaw Tawgyew go Unesumus ibó no yo nochi sŭlyeñtchŭ ge sakŭlye dame no yo kŭgŭime.

¹¹ Se ibó ahuge ha madaġiw a ba, se yabó ba ñe seyo nochi dew chiġa tsŭwbaba.

¹² Se í ñe seyo dju nolu ge kadama, no se í bachi ge djütŭlŭtchowba.

¹³ Í no nochi ge vyejoñe vyehomacha se í bó bachi vye go shŭdabi shi-ñu ibó yo sŭlyeñtchŭ sumbo, nó datunowe.

¹⁴ Sé no ba mahusŭw haje madaġoñ se bachi he nŭlvo djŭdo ye datŭdalŭw yo mow lŭshŭw dawew.

¹⁵ Hado chemeje ha danghuñda i ba yo ksŭhua dzŭhua kuw he ibó utro lyadawa shŭwa bañisa ge gŭyojoñe.

¹⁶ Sešo ayogo kulo mavyeduw, kulo yo je dewfo, seyo ñuw vyeduw gŭyowe se nochi drŭ-lŭ ge duw sŭna nŭlvobó sešo, se yabó usofu ge je seyo gŭlo ge je, bachi je drŭ-lu ge sŭnda Tawgyew ge.

Filemon ichi dŭgyew dzŭw lŭshŭljow

¹⁷ Senameje ba nó bachi nudzoġ dakyetunowñe vyedameje, se na vyeduw yo shutrolajodawe.

¹⁸ Chemeje se nó bachi ha damje damdalyoama semome sa a bachi ha damje a kakuw, se í nochi ŭñiñi ge ġiwe.

¹⁹ Polus no nó gzŭ yo ġijome, se i no bá ġigujome; seyo ichi chejoje ha madaġi, se no añawa he daado na badru me se i babamme.

²⁰ He no ñuwwa, he lüshüw nó bachi Tawgyewwa nó bachi go pawe, Tawgyew ge nodrü nolu ye hu je adjüdjüw no je aġimiw daiwe.

²¹ No bachi dügyew dafiw dajo umsow vyyeñe, bá ġimkoime seyo he ana danghuwme, se no ha cheima, ba se í foje lübzüw daijo.

²² Seyo he i je, nobó ġyojo buġo dashütrüvowe; no süna umsow vyedame, se bá küġüw trüdu yo noje no bachi ügzü ge djüjome.

Mülüñ šüvzüw

²³ Ifras se Jisu ge nodra pacheshüw ge

²⁴ Seyo se Markus ñe Aristikurs seyo Demas seyo Luka seyo no chiġadam.

²⁵ Ŋichi Prabu Jisu Masi nülvow ye bachi ġulodra duwe. Amin.

Aka (Hrusso) Bible

Hruso: Aka (Hrusso) Bible (Portions) for India

copyright © 2024 Bridge Connectivity Solutions Pvt. Ltd.

Language: (Hruso)

Contributor: Bridge Connectivity Solutions Pvt. Ltd.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

6ed36eea-a167-5ded-a2d7-08d8d10b8e3c